

## Yaahyā<sup>(a.s)</sup> Kī Taaleem

Iñjeel : Mattā 3:1-17

Un dinoñ Yaahyā<sup>(a.s)</sup> logoñ ko paanī se paak karte the. Wo ek jagah jiskā naam Yahudiyā ke registaan me logoñ ko Allaah taa'alā kā pāigaam dete the.<sup>(1)</sup> Yaahyā<sup>(a.s)</sup> logoñ se kahte the "Taubā karo kyuñki, Allaah taa'alā kī baadshaahī tumhaare bahut qareeb hai."<sup>(2)</sup> Bahut waqt pahale Allaah taa'alā ne Yaahyā<sup>(a.s)</sup> ke baare me Yashaayaah<sup>(a.s)</sup> ko bataayā thā, ki koī registaan me chillā rahā hogā, 'Allaah taa'alā kā seedhā raastā banā ke taiyaar karo.'<sup>(3)</sup> Yaahyā<sup>(a.s)</sup> ke kapde unñt kī khaal ke bane hue the aur unkī kamar par ek chamde kā kamarabañd thā. Wo khaane me tiddī aur jañglī shahad khaate the.<sup>(4)</sup> Log Yaahyā<sup>(a.s)</sup> ke paas Yerushalam se, Yahudiyā se aur Jordān nadī ke ās-paas ke ilaakoñ se āte the.<sup>(5)</sup> Wo log apne gunaah qubul karte the phir Yaahyā<sup>(a.s)</sup> unko Jordān nadī me ġusl de kar paak karte the.<sup>(6)</sup> Jis jagah par Yaahyā<sup>(a.s)</sup> logoñ ko ġusl dete the, us jagah par bahut saare Yahudī mazhabī rahanumā āte the jo Fareesī aur Sadukī the.

Jab Yaahyā<sup>(a.s)</sup> ne unheñ dekhā to kahā, "Tum sab saarmp ho. Tum logoñ ko kis ne khabardaar kiyā ki Allaah taa'alā ke azaab se bhaago jo uskī naafarmaanī karne waaloñ ke liye āne waalā hai."<sup>(7)</sup> Apne dil ko saaf karo aur us tarah se zindagī guzaaro ki jaise tumne gunaahoñ se taubā kar lī ho.<sup>(8)</sup> Tum log apne āp me ye mat socho ki tum log Ibraaheem<sup>(a.s)</sup> ke khaandaanoñ se ho kyuñki iskā koī faaydā naheeñ hai. Maiñ tumko bataatā huñ ki Allaah taa'alā Ibraaheem<sup>(a.s)</sup> kī aulaadoñ ko in pattharoñ se bhī paidā kar saktā hai.<sup>(9)</sup> Peñ kī jađoñ tak kulhaadī pahuñch chukī hai. Har wo peñ jo acche phal naheeñ dete haiñ unko kaañ kar āg me ḥaal diyā jaaegā.<sup>(10)</sup> Maiñ logoñ ko gunaahoñ kī taubā ke liye paanī me ġusl de kar paak kartā huñ. Lekin, koī hai jo mere baad āegā jo mujhse bhī zyaadā azeem hai. Maiñ uske jute bhī uñhaane ke laayaq naheeñ huñ. Wo tum logoñ ko Allaah taa'alā ke nur aur āg se paak karegā.<sup>(11)</sup> Wo ek jagah ko saaf kar rahā hai taaki gehuñ kī safaaī kī jā sake. Wo acche gehuñ ko baaqī se alag kar degā. Wo gehuñ ko godaam me rakhegā aur bhuse ko jalā degā, jis kī āg kabhī nā bujhne waalī hogī."<sup>(12)</sup>

Tab Īsā<sup>(a.s)</sup> Galeel se Jordān nadī par āe taaki Yaahyā<sup>(a.s)</sup> unko paanī se ġusl de sakeñ. Yaahyā<sup>(a.s)</sup> ne unko rokne kī bahut koshish karī.<sup>(13)</sup> Yaahyā<sup>(a.s)</sup> ne kahā, "Āp mere paas ġusl lene kyuñ āe haiñ? Jabki mujhe āpse ġusl lenā chaahie."<sup>(14)</sup> Īsā<sup>(a.s)</sup> ne kahā, "Ye Allaah taa'alā kā hukm hai islie ye zarurī hai ki ham ise purā karen." Ye sun kar Yaahyā<sup>(a.s)</sup> ġusl dene ke liye raažī ho gae.<sup>(15)</sup> Īsā<sup>(a.s)</sup> jaise hī paanī se baahar āe to āasmaan khulā aur Yaahyā<sup>(a.s)</sup> ne dekhā ki Allaah taa'alā kā nur kabutar kī tarah neeché āyā aur Īsā<sup>(a.s)</sup> par naazil huā<sup>(16)</sup> aur āasmaan se ek āwaaz āī ki "Ye merā chunā huā numaiñdā hai, jisko maiñ bahut pyaar kartā huñ aur maiñ isse bahut k̄hush huñ."<sup>(17)</sup>